

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» ----- 2016թ.

N___Ա

ՈՐՈՇՈՒՄ

**ԵՐԵՎԱՆԻ Փ.ԲՈՒԶԱՆԴԻ ՓՈՂՈՑԻ Հ.1/5 ՀԱՍՑԵՈՒՄ ԳՏՆՎՈՂ
ՑՈՒՑԱՀԱՆՆԵՄ-ՎԱՃԱՌՔԻ ԿԵՆՏՐՈՆՈՒՄ ԱՌԵՎՏՐԱՅԻՆ ԳՈՐԾԸՆԹԱՑԻ
ԿԱԶՄԱԿԵՐՊՄԱՆԸ ՆԵՐԿԱՅԱՑՎՈՂ ՊԱՅՄԱՆՆԵՐԸ ՍԱՀՄԱՆԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 33-րդ կետով.

Երևան քաղաքի ավագանին որոշում է.

1.Սահմանել Երևանի Փ.Բուզանդի փողոցի հ.1/5 հասցեում գտնվող ցուցահանդես-
վաճառքի կենտրոնում առևտրային գործընթացի կազմակերպման պայմանները՝ համաձայն
հավելվածի:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

**ԵՐԵՎԱՆԻ Փ.ԲՈՒԶԱՆԴԻ ՓՈՂՈՑԻ Հ.1/5 ՀԱՍՑԵՈՒՄ ԳՏՆՎՈՂ
ՑՈՒՑԱՀԱՆԴԵՍ-ՎԱՃԱՌՔԻ ԿԵՆՏՐՈՆՈՒՄ ԱՌԵՎՏՐԱՑԻՆ ԳՈՐԾԸՆԹԱՑԻ
ԿԱԶՄԱԿԵՐՊՄԱՆԸ ՆԵՐԿԱՅԱՑՎՈՂ ՊԱՅՄԱՆՆԵՐԸ**

1. Սույնով սահմանվում է Երևանի Փ.Բուզանդի փողոցի հ.1/5 հասցեում գտնվող ցուցահանդես-վաճառքի կենտրոնում (այսուհետ՝ Տարածք) առևտրային գործընթացը կազմակերպելու պայմանները և սահմանափակումները:

2. Տարածքում առևտրային գործունեություն կազմակերպելու և իրականացնելու համար առևտրի իրականացման վայրի կազմակերպիչը (այսուհետ՝ Կազմակերպիչ) պետք է հաստատի միջոցառումների պլան, որն առնվազն պետք է տվյալներ պարունակի.

1) ցուցահանդես-վաճառքի մասնակիցներին վաճառակետերով և ըստ անհրաժեշտության առևտրատեխնոլոգիական սարքավորումներով ապահովման,

2) Տարածքում ըստ անհրաժեշտության աշխատանքի ընթացքում անվտանգության միջոցառումների կազմակերպման,

3) Տարածքում հակահրդեհային և սանիտարական կանոնների պահպանման, Տարածքի մաքրման և աղբի տեղափոխման կազմակերպման վերաբերյալ:

3. Կազմակերպիչը պարտավոր է՝

1) Տարածքում տեղադրել տեղեկատվական ցուցատախտակ՝ Տարածքում ապրանքների վաճառքի համար կահավորված տեղերի (վաճառատեղի), Տարածքի ֆունկցիոնալ գոտիավորման պլանի և քարտեզի նշումով,

2) Տարածքում տեղադրել աղբարկղեր,

3) վաճառատեղն ապրանքների ընդունման, պահպանման և բաց թողնման նպատակով ըստ անհրաժեշտության ապահովել անհրաժեշտ քանակությամբ համապատասխան առևտրատեխնոլոգիական սարքավորումներով, ինչպես նաև այլ գույքով,

4) ապրանքների վաճառքի և վաճառատեղի տրամադրման նպատակով վաճառողների համար ապահովել հավասար պայմաններ,

5) Տարածքում տաղավարները կամ վաճառատեղերը դասավորել ըստ նմանատիպ ապրանքատեսականու,

6) Տարածքում նախատեսել առանաձևացված հատվածներ՝ հաշմանդամ վաճառողների աշխատանքների համար,

7) Տարածքը ապահովել ռադիոհանգույցով, տեղեկատվական կետով, անվտանգության համապատասխան համակարգերով և տեսախցիկներով,

8) Տարածքը ապահովել գուգարաններով, այդ թվում՝ հարմարեցված հաշմանդամների համար,

9) Տարածքում ունենալ բուժկետ,

10) Ապահովել տուրիստական ավտոբուսները անհրաժեշտ կայանատեղերով,

11) Ցուցահանդես-վաճառքի ներկայացված առարկաները (աշխատանքները) կանոնակարգել ըստ կերպարվեստի և ազգագրական նյութի (դեկորատիվ-կիրառական արվեստի առարկաների) տեսակների՝

ա. դեկորատիվ-կիրառական արվեստ՝

- Խեցեղեն նյութ
- Փայտյա նյութ
- Մետաղյա առարկաներ
- Ապակյա նյութ
- Գործվածք (գորգ, կարպետ, բատիկ, ասեղնագործություն, ժանյակագործություն, տարագ և այլն)
- Քար
- Ոսկր
- Խառը կամ այլընտրանքային տեխնիկայով կատարված ստեղնագործություններ կամ ձեռագործ աշխատանքներ
- Դեկորատիվ-կիրառական արվեստի այլ առարկաներ:

Նշված խմբում ներառվող առարկաները կանոնակարգել նաև ըստ ժամանակագրության՝ «Հնատիպ և ազգագրական նյութ» և «Ժամանակակից ստեղծագործություններ» պայմանական խմբերի: «Հնատիպ և ազգագրական նյութ» խմբի համար ստեղծել համապատասխան հատուկ տաղավարներ՝ ցուցադրության և պահպանության նպատակով:

բ. Գեղանկար

- Կտավ, յուղաներկ
- Ակրիլ
- Ջրաներկ
- Պաստել (կավճամատիտ կամ յուղամատիտ)
- Գունավոր մատիտ
- Խառը կամ այլընտրանքային տեխնիկայով կատարված ստեղծագործություններ
- Այլ գեղանկարներ

գ. Գրաֆիկա

- Գծանկար
- Փորագրապատկեր
- Այլ գրաֆիկա

դ. Քանդակ

Նշված խմբերով կանոնակարգված ստեղծագործությունների ցուցահանդես-վաճառքի համար նախատեսել համապատասխան տաղավարներ

կամ վաճառատեղեր՝ մեկ ոճով և գունային տարբեր համադրություններով՝ հատվածում արվեստային մթնոլորտ ստեղծելու և ուշագրավ լինելու համար,

12) Երևանի քաղաքապետարանին անվճար տրամադրել տաղավար՝ Երևանի քաղաքապետարանի կողմից նախատեսված միջոցառումների իրականացման ապահովման նպատակով, ինչպես նաև չխոչընդոտել Երևանի քաղաքապետարանի կողմից կազմակերպված հանրային միջոցառումների իրականացմանը,

13) Ապահովել հաշմանդամների և բնակչության սակավաշարժուն խմբերի տեղաշարժման համար պայմաններ,

4. Տարածքում թույլատրվում է վաճառել ոչ պարենային ապրանքներ, ժողովրդական ստեղծագործությունների գործեր, արհեստագործական արտադրանք և այլ ապրանքներ (աշխատանքներ) հետևյալ տեսականիով՝

- 1) Փայտից քանդակներ,
- 2) Օբյեկտայններ,
- 3) Արծաթից պատրաստված զարդեղեն և առարկաներ,
- 4) Հուշանվերներ, հուշամեդալներ, մանրադրամներ, շքանշաններ,
- 5) Նկարներ,
- 6) Հնաոճ իրեր,
- 7) Գորգեր, ձեռագործներ,
- 8) Գրքեր, զբոսաշրջությանը վերաբերող տպագիր նյութեր,
- 9) Հուշանվերային բնույթի կենցաղային հնաոճ այլ ապրանքներ,
- 10) Ոսկերչական գործիքներ,
- 11) Որսորդական պարագաներ,
- 12) Կենդանիների խնամքի համար նախատեսված իրեր,
- 13) Բնական քարեր,
- 14) Աուդիո և վիդեո արտադրանք,

5. Տարածքում արգելվում է վաճառել՝

- 1) Գյուղատնտեսական և պարենային մթերքներ,
- 2) Պարֆումերիա-կոսմետիկական ապրանքներ,
- 3) Ծխախոտային արտադրանք,
- 4) Համակարգչային տեղնիկա,
- 5) Կենցաղային տեխնիկա,
- 6) Կենցաղային քիմիայի ապրանքներ,
- 7) Կենդանիներ, բույսեր, ծաղիկներ,
- 8) Դեղեր և բժշկական նշանակության արտադրանք,
- 9) Ոչ հուշանվերային բնույթի հին կենցաղային իրեր, հագուստ, այդ թվում՝ հնամաշ,
- 10) Շինանյութ, ավտոպահեստամասեր, հրավառության կամ հրագործական արտադրանք,

11) Հողից պեղված իրերի վաճառքը, որոնք ներկայացնում են հնամենի մշակույթ:

12) Այլ ապրանքներ, որոնց իրացումը արգելված կամ սահմանափակված է Հայաստանի Հանրապետության օրենսդրությամբ:

6. Տարածքում արգելվում է երաժշտությունը և շրջիկ առևտուրը:

7. Կազմակերպիչը Տարածքում առևտրային գործունեությունը պետք է կազմակերպի «Առևտրի և ծառայությունների մասին» Հայաստանի Հանրապետության օրենքին, այլ օրենքներին և իրավական ակտերին համապատասխան:

8. Տարածքում առկա տաղավարների և (կամ) վաճառատեղերի դասավորվածությունը կարող է փոփոխվել Երևանի քաղաքապետարանի համաձայնությամբ:

ՏԵՂԵԿԱՆՔ- ՀԻՄՆԱՎՈՐՈՒՄ

«ԵՐԵՎԱՆԻ Փ.ԲՈՒԳԱՆՂԻ ՓՈՂՈՑԻ Հ.1/5 ՀԱՍՑԵՈՒՄ ԳՏՆՎՈՂ ՑՈՒՑԱՀԱՆՂԵՍ-ՎԱՃԱՌՔԻ ԿԵՆՏՐՈՆՈՒՄ ԱՌԵՎՏՐԱՅԻՆ ԳՈՐԾԸՆԹԱՅԻ ԿԱԶՄԱԿԵՐՊՄԱՆԸ ՆԵՐԿԱՅԱՑՎՈՂ ՊԱՅՄԱՆՆԵՐԸ ՄԱՀՄԱՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ներկայումս Երևանի Փ.Բուգանղի փողոցի հ.1/5 հասցեում գտնվող ցուցահանդես-վաճառքի կենտրոնում իրականացվում են վերականգնման աշխատանքներ, որի ավարտից հետո այդ տարածքում առավել հարմարավետ պայմաններ են ստեղծվելու ազգային արվեստի և ժողովրդական ստեղծագործությունների ցուցահանդես-վաճառք իրականացնելու համար: Հաշվի առնելով այդ հանգամանքը, քննարկվող տարածքում առևտրային գործընթացը՝ տարածքի նշանակությանը համապատասխան իրականացնելու և հայկական մշակույթն ու ավանդույթներն առավել ներկայանալի դարձնելու անհրաժեշտությունից ելնելով նախապատրաստվել և ավագանու քննարկման է ներկայացվում Երևան քաղաքի ավագանու որոշման նախագիծ, որով սահմանվում է Երևանի Փ.Բուգանղի փողոցի հ.1/5 հասցեում գտնվող ցուցահանդես-վաճառքի կենտրոնում առևտրային գործընթացի կազմակերպմանը ներկայացվող պայմանները և սահմանափակումները:

Որոշման նախագիծը ներկայացվել է հանրային քննարկման, որի ընթացքում առաջարկություններ և դիտողություններ չեն ներկայացվել:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

«ԵՐԵՎԱՆԻ Փ.ԲՈՒԶԱՆԴԻ ՓՈՂՈՑԻ Հ.1/5 ՀԱՍՑԵՈՒՄ ԳՏՆՎՈՂ
ՑՈՒՑԱՀԱՆԴԵՍ-ՎԱՃԱՌՔԻ ԿԵՆՏՐՈՆՈՒՄ ԱՌԵՎՏՐԱՑԻՆ ԳՈՐԾԸՆԹԱՑԻ
ԿԱԶՄԱԿԵՐՊՄԱՆԸ ՆԵՐԿԱՅԱՑՎՈՂ ՊԱՅՄԱՆՆԵՐԸ ՄԱՀՄԱՆԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՑՈՒԹՅԱՆ ՄԱՍԻՆ

«Երևանի Փ.Բուզանդի փողոցի հ.1/5 հասցեում գտնվող ցուցահանդես-վաճառքի կենտրոնում առևտրային գործընթացի կազմակերպմանը ներկայացվող պայմանները սահմանելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

«ԵՐԵՎԱՆԻ Փ.ԲՈՒԶԱՆԴԻ ՓՈՂՈՑԻ Հ.1/5 ՀԱՍՑԵՈՒՄ ԳՏՆՎՈՂ
ՑՈՒՑԱՀԱՆԴԵՍ-ՎԱՃԱՌՔԻ ԿԵՆՏՐՈՆՈՒՄ ԱՌԵՎՏՐԱՑԻՆ ԳՈՐԾԸՆԹԱՑԻ
ԿԱԶՄԱԿԵՐՊՄԱՆԸ ՆԵՐԿԱՅԱՑՎՈՂ ՊԱՅՄԱՆՆԵՐԸ ՄԱՀՄԱՆԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ
ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Երևանի Փ.Բուզանդի փողոցի հ.1/5 հասցեում գտնվող ցուցահանդես-վաճառքի կենտրոնում առևտրային գործընթացի կազմակերպմանը ներկայացվող պայմանները սահմանելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում էական փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ